

贈眾女姑

嫌風怕日愛惜容儀畫堂深處相宜對鏡梳粧整頓金縷羅衣  
因聞風仙蟬蛻慕真修決烈無疑棄華麗便蓬頭垢面布素歸  
依 昔日靈根受病如今卻須當下手親醫般運身中日月直  
接天涯自然木金成寶現神珠晃曜清沂方知道遮些兒不可  
思議

恐人退道預誡之

人人學道因何退怠都緣心不甯耐富貴修行或遇艱難阻阨  
貧者受人供養自矯矜必然敗壞或好賄便自招自攬非常災  
害 或有鍊心不盡起攀緣愛念決定破戒若悟韶光迅速生  
道藏輯要 丹陽神光燦 卒 胃集七 川 8 X  
死事大常懷慎終如始處無爲清靜無賽功行滿與九玄七祖  
共超三界

歎世

行屍走骨逐利爭名傷神損氣勞形鎮日謾天昧地不顧神明  
都緣爲兒爲女惹塵勞一向貪生何事盡待無常限到送入深  
坑 金玉珠珍棄了惟留得平生善惡爲憑甚處分明打算直  
至幽冥無情業鏡來照覺從前罪孽非輕放聲哭恨當初不做  
修行

師父畫骷體相誘引稍悟

風仙化我無限詞章仍懷猶預心腸見畫骷體省悟斷制從長

欲待來年學道恐今年不測無常欲來日恐今宵身死失卻佳  
祥 管甚兒孫不了脫家緣街上恣意猖狂遣興雲遊水歷別  
是風光經過無窮勝景更那堪得到金方專一志鍊丹陽須繼  
重陽

蒙師父訓誨

邱劉譚馬四箇小仙蒙師釣出深淵到岸纔方磨琢取火搜煙  
滄柴痛加割切鍊頑心有似油煎說得做便常常屏氣似不能  
言 萬種千般鍛鍊賴予懣各各志確心堅苦處曾經樂處退  
步爭先惟恐猿顛馬劣見人人父母如然常忍辱處無爲清靜  
謹謹修仙

道藏輯要

丹陽神光燦

全

胃集七  
川十三

因夢作

時當春社菴裏閑眠夢魂飛上峯巔忽見山中神道萬萬千千  
箇箇無些喜色予閑問因何慘然聞此語便一齊大慟卻訴因  
緣 某等當元學道都緣謂貪盃愛戀腥膻罰做靈祇以是失  
了神仙如今纔方省悟便見他酒肉如冤須常避勸先生進道  
戒行精專

看圍碁

爭名競利恰似圍碁至於談笑存機口伴相謾有若蜜裏藏砒  
見他有些活路向前侵更沒慈悲誇好手起貪心不顧自底先  
危 深類孫龐鬪智忘仁義惟憑巧詐譏諛終日相征相戰無